



## Universitätsbibliothek Paderborn

### **R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.  
Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIII**

De flagellatione Iesu, Theo. XVIII.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

cessum est Christo. Nam nudatus est non minus ter suis in passione vestibus, <sup>Nudatio Christi tri-</sup>puta flagellandus, coronandus, & crucifigendus. Porro si quis inter flagellationem & coronationem non reindutum vestibus contendat, sed antequam flagellatus reindueretur vestibus, ad coronandum dicat nudum in praetorium (hoc est, locum spatiosorem) introductum, non repugnans sed dicimus, ubi purpura clamideq; fuerat exuendus, suisq; reinduendus vestibus antequam ad locum exiret Caluariae, necesse erat illum nudari: quam nudationem, si altera quam dixeram negatur, in illius locum supponimus. Ceterum haec ipsa nudatio Christi, de qua in praesentiarum loquimur, propter eius fiebat flagellationem, quam Pilatus vt Iudaeos placaret, ad Iesu ordinabat castigationem.

Precatio pro spiritus nuditate.

**I**esu piissime, qui propter nos nudari voluisti, da nobis affectum nudum ac ab omnibus terrenis, ociosis ac vitiis exoccupatum ac liberum, quo extra te nil aliud cupimus, sed tibi castissima, feruentissima, iugis dilectione semper inhaereamus, qui es benedictus in secula, Amen.

DE FLAGELLATIONE IESU. Theorema XVIII.

ARGVMENTVM.

**Q**ui nostra nobis peccata & penas pro his debitas remittit, quiq; à flagellis Hebraeos eripuit, pro peccatis nostris ipse flagellatus ab eadem gente poenam luit.

IESVS MISERICORDIAM QUANTAM HUMANA genti semper exhibuerit, quomodo peccatis hominum ignoscat. Concio XVIII.

**D**vos hoc argumentum in se habet articulos, puta vt is qui nostris ignoscit peccatis, pro nobis ipse luat: & qui à flagellis Iudaeos eripuerit, à Iudaeis flagelletur. Certè non obscurum est, misericordia Domini plenam esse vniuersam terram: quantum verò nobis parcat, quantum ignoscat misericordiarum Dominus, non solum exemplis veterum, sed nostro etiam experimento didicimus. Quanquam enim multa flagella sint peccatoris, sperantem tamen in Domino misericordia eius circumdabit, & si iniquitates obseruaret (id est, ad condignum puniret) Christus, quis sustineret? id est, quis valeret sustinere? Testantur eius misericordiam languidi, quos curauit ipse Iesus ambulans in mundo, quomodo penas infirmitatesq; corporum pro peccatis sibi inflictas, Domino curante, euaserint: & simul eorum peccatorum eodem Domino dimittente, veniam acceperint. Ita enim huiusmodi sanans Dominus, dicebat: *Vade, & amplius noli peccare.* Item latro quoq; qui cum Christo suspensus ad crucem fuit, nonne mortem alioqui paulò post tolerandam, sustinuit temporalem & fide quam habuit in Christum, enast aternam? Magdalenam & alios cōplures à peccato redeuntes, sine flagellis, citra